

JOELIS LANGELOTTI D.
& Archiatri Serenissimi Hol-
latiæ Ducis Regentis

EPISTOLA
ad

Præcellentissimos

NATURÆ CURIOSOS.

De quibusdam in Chymia
prætermiſſis; quorum occasione
SECRETA haud exigui momenti proq;
non-Entibus hæcenus habita, candidè detegun-
tur & demonſtrantur.



HAMBURGĪ,
Apud GOTHOFREDUM Schulzen /

Proſtant & AMSTERODAMI,
Apud JOANNEM JANSSONIUM à WAESBERGE.
A. M. DC. LXXII.

1870

Ad 10 1/2

10 1/2

10 1/2

10 1/2

10 1/2

10 1/2

10 1/2

10 1/2





*Præcellentissimi Viri, Domini
& Fautores Honoratissimi.*

VIsis nuper, sed quod do-
luit, serò nimis invita-
toriis vestris tanto Bo-
ni publici promoven-
di desiderio flagrantibus, proti-
nus adeò affectum me immò & ac-
censum sensi, ut nihil prius cogi-
tandum duxerim, quàm quâ rati-
one & ego publicè testatum face-
rem, me institutum hoc vestrum
omni modo probare, & velle
quoque meam qualemcunque o-
peram commodare vobis, si mo-
dò per virium tenuitatem liceat.
Et commodum occurrere ex Ob-
servatis meis Chymicis quædam,
quæ haud veritus sum Curiosis
vestris oculis subicere, utpote
non adeò quotidiana visa mihi,

vulgoque Chymicorum contrita, sed quæ solertiora ingenia excitare poterunt ad majora his tentanda, elaborandaque ea Artis arcana, quæ non nisi in paucissimorum hætenus notitiam venére.

Mirum utique semper mihi accidit, quî factum *quod præcipuè quæq; Operationes Chymicæ*, quas vulgò processus, nominam⁹, nullò hætenus in numerò fuerint, sed potius fastiditæ & pro falsis habitæ in occultò jacuerint, quædam quoque inter ipsa non-Entia relatæ. Et deprehendi tandem, veram istius causam esse, quod ea, quæ quàm maximè oportebat *media* haud eò, quò par erat modò & tempore adhibuerint artis Cultores.

Ex iis verò tria præprimis eminere & mirandas planè usus præstare certâ experienciâ cõperî, *Digestionem nempe, Fermentationem*

tionem & * *Tritum*, trita equidem * Utor vocabu-
lô Plinio
usitatô.
vel ipsis Tyronibus nomina, quæ
tamen quoad usum paucis etiam
Veteranis innotuere hætenus, id
quod loculentis nunc aliquot Ex-
perimentis demonstrandum mi-
hi erit, *ut animum iis addam, qui*
Chymia dant operam, ne tam citò de-
sinant, ubi maximè pergendum erat,
nec spem hujus vel illius Processus illi-
cò abjiciant etiamsi dubius appareat,
Criticis quoque consulam ne properè
nimis in incomperta parumq; intelle-
cta censorium stylum exerceant.

Atque sic primò omnium in- Digestio-
nis usus.
I.
signem *Digestionis* usum in præpa- In præ-
parando
rando *Sale Tartari volatili* osten- *Sale Tar-*
tari vo-
latili.
dam. Hoc quanti æstimatum sit
hætenus, quantâque cura curio-
sis quæsitum meum non est pluri-
bus nunc recensere. Difficulta-
tes quæ mihi occurrerint, verbò
complectar. Multis sanè super
istâ volatilisatione Processibus
incaßum tentatis deveni tandem

in eam sententiam me nunquam melius citiusve ad scopum per-venturum, *quam si Salfixum Tartari compari suò volatili jungerem*, verum nec sic satis benè profeci, ascendente tantillò Salis volatilis, potiore verò parte in fundo vasis remanente. Quamprimum verò temporis unà debitam rationem habui *longinquamq; digestionem in subsidium vocavi*, tam benè successit operatio, ut primâ statim vice acciperem, quod vix pluribus me cohobiis consecuturum verebar, *Sal nempe Tartari volatile, candidissimi coloris, relictis paucis tantum fecibus insipidis planè terreiq; coloris.*

Alter Digestionis
usus in
parandis
Sulphurum Mi-
neraliū
Essenti-
is.

Consimile Digestionis beneficium in multis aliis, præprimis verò *in sulphurum mineralium Essentiis* ritè parandis expertus sum; verùm lubet unicum nunc saltem de Corallis experimentū heic loci adducere, quoniam præmul-

multis aliis mihi visum fuit magnam illam Digestionis vim & efficaciam omnium clarissimè ob oculos ponere. Superfuderam ante annos aliquot fragmentis Corallorum rubrorum integris Oleum inter destillata Vegetabilia, quantum mihi constat omnium blandissimum, tentaturus num eò Tincturam extrahere possem. Verùm frustra fui, conspicatus longò satis tempore nec Oleum nec Corallia vel tantillum mutari. Spe ergò boni successus abjectâ nullam amplius istius cucurbitulæ curam habui. Præteritâ verò hieme cum aliis quibusdam laboribus in furno digestionis occuparer, placuit tamdiu intermissum Corallinum laborem repetere, & cucurbitulæ isti denuò ibi locum concedere, nec sine felici successu. Vix enim exacto mense cum more solito eam agitare adverti fragmenta Co-

Inaudita hætenus Corallorum resolutio.

rallina paullo intensius rubere &
mollescere sine ullâ tamen Olei
 mutatione. Perrexi ergo eodem
 caloris gradu, postque aliquot di-
 es vidi, quod valdè miratus sum:
 Corallia nempe penitus resoluta
 erant in *mucilaginem rubicundissi-*
mam, Oleum verò adhuc dum in
 pristinâ formâ ei supernatabat,
 nec tantillum Tincturæ suscepe-
 rat. Agitavi cucurbitulam fa-
 tis validè & sæpiculè, visurus,
 num illud cum mucilagine Co-
 rallinâ possem unire, verum nihil
 egi, Oleo semper ascendente, &
 mucilagine subsidente. Ten-
 tavi, num Digestione possem
 unire, verum nec id successit.
 Coactus ergo separare, quæ o-
 mnem unionem respuerent, de-
 pletoque Oleo, quod comperi
 pristinum fermè & odorem & sa-
 porem referre adfudi restanti
 mucilagini Spir. Vini Tartarifa-
 ctum, à quò brevi digestionem re-
 solvi

solvi se passa est in rubicundissimam Tincturam. Et hoc duplici Experimento puto me planum fecisse, quantum valeat neglecta hactenus longinqua DIGESTIO. Expendant quoque heic Philo-
chimici, quanta Salium volatili-
um sit actio & ἐνέργεια, si iis com-
pedes injiciantur, ne tam citò a-
volare queant.

Accedo nunc ad *Fermentatio-* Ferment-
nem, quæ quantum utilitatis fru- tionis
ctum in Chymia præbeat, possem in Chy-
& id quoque pluribus nunc Expe- mia u-
rimentis confirmare. Mirabi- fus.
lem utique fermentationem vidi
in *Antimonio*, *Perlis*, *Corallis* &
multis aliis, olim si Deo visum fu-
erit, in Actis Laboratorii Gottor-
piensis plenè describendam, præ-
stabit nunc *Tartarum* nostrum
persequi, ejusque veram resolu-
tionem & volatilisationem *via*
quoque Fermentationis consequen-
dam paullo accuratius edocere,

quoniam tantò in desiderio est
Phylo-chymicis omnibusque ac-
curatioribus Medicis. Posse ve-
rò istam Volatilisationem omni-
um facillimè modo dicta viâ ac-
quiri seq. Operatio demonstra-
bit. Calcinentur primò *Tartari*
crudi ℥ ij vel iij. prout multum
Tartari fermentare animus est
leviter saltem & ad aliquam tan-
tum nigredinem, ut habeas, quò
maximè opus *fermentum* *Tartari*
fermentandi. Huic ollæ capa-
cissimæ immisso affunde tantum
aquæ, ut ad digiti latitudinem e-
mineat, ignemque primò lentum
admove ut tantum intepescat,
postea dimidium manipulum
Tartari subtiliter pulverisati in-
sperge, & brevi videbis bullulas
quasdam surgere, & accrescere
magis magisque. Hoc viso per-
ge veluti coepisti, partitis nempe
vicibus *Tartari* pulverem insper-
gendo, & sic major fermentatio
exci-

*Quomo-
do Spir.
Salis
Tartari
volatilis
Fermen-
tatione
possit ac-
quiri.*

excitabitur, bullis exinde tam concinno ordine surgentibus, ac si ipsas uvas naturales, excepto colore conspiceres, id quod non semel magna animi cum voluptate contemplatus sum, certum-que inde argumentum duxi, nec crudo deesse *Tartaro*, quod *aliis Salibus arte preparatis* concedere cogimur. Posse ea pristini sui domicilii formam exactè præsentare. Verum accuratò heic ignis regimine opus est, moderato nempe, quale omnis fermentatio requirit. Cavendum quoque ne copiosiori inspersione nimia ebullitio excitetur, & fermentatum quod solet, ollâ elabatur. Cessante fermentatione mitte omne quod inest ollæ in cucurbitam ferream, nam de vitreâ periculum est, ne rumpatur, cum ei sæpiusculè lintea frigidâ madefacta oporteat applicare, quò nimia Tartari fermentati ebullitio pro-

prohibeatur, qui alias nimii caloris impatiens rapido cursu sursum ferri, & ipsum quoque Recipiens vas ingredi solet. Atque eâ quoque de causâ ignis cautissimè regendus, lentoque gradu augendus est, in fine tamen satis forti, ut Sal omne sursum pellatur. Et comperies quoque, si rectè rectèque processeris crassum illum feculentumque Tartarum fermentatione dictâ adeò subtilem volatilemque reddi, ut ne tantillum Salis fixi in Capite mortuo remaneat, id quod non semel expertus sum. Liquorem egressum, quoniam multâ aquâ fermentationis causâ additâ refertus est, multum quoque rectificare oportet, & quidem eò usque, usque dum subalbidò colore appareat, quod indicat, debitam ei quantitatem Salis volatilis inesse. Quanti hoc æstimandum sit, vel solius Helmontii testimonium suf-

sufficere poterat, addere tamen in gratiam Chymiatricorum lubet, nos usum ejus non solum in affectibus Corporis internis, sed & externis adeoque in ipsa gangranâ mirabilem deprehendisse, immò & ejus beneficio Essentias quasdam parâsse, quas frustra aliis menstruis tentavimus. Et sic fidele illud Helmontii monitum veritati quàm maximè consonum deprehendimus.

c. 15. de Febrib. p. m. 780

Verum enim verò aliis adhuc usus Fermentationis isque satis illustris exponendus restat, posse nempe ejus beneficio Sulphura cruda, impura Naturæ adeò inimica omnium optimè & commodissimè separari, id quod sequens Opii præparatio demonstratum dabit, quam non possum non de meliori notâ commendare, præbet enim medicamentum tutum planè, & immune à vulgi diæteris immò quoque verè panchrestum, mille commoda ferens, si quis eò dextrè uti noverit.

Alter Fermentationis usus in separando Sulphure impuro, noxiò.

Acci-

Accipe *Opii* Thebaici in parti-
culas confcissi ℥ j. & affunde ei
in cucurbita humili Succo Cydo-
niorum benè maturorum *recentif-
simi* libras x, addeque Salis Tar-
tari puri & ficcissimi unciam u-
nam, dein expone leni calori per
diem unum aut alterum, usque
dum bullulæ quædam appare-
ant, quod signum est imminentis
fermentationis, tunc adde istius
promovendæ causâ Sacchari
subtilissimè pulverisati uncias
quatuor, porroque eum caloris
gradum observa, quem fermenta-
tio requirit, & sic satis benè
quocque ea procedet, videbisque
Opium evidenter attolli & resol-
vi per minima: cave verò à Sul-
phure Narcoticô graveolenti,
quod tunc solet exspirare. Vi-
debis tunc quoque partem impu-
ri volatilis spumosi superiora pe-
tere, partem verò magis terre-
strem in fundò cucurbitæ subsi-
dere:

dere: tandem in mediô confister
 purior pars, liquor nempe rubi-
 cundus Rubini instar pellucidus,
 quem cautè separabis, filtrabis &
 debita destillatione ad mellagi-
 nem inspissabis. Hanc denuò
 Spiritu Vini alcolisato dissolvas,
 fultres perque mensem digeras, ut
 quicquid adhuc crudi inest cœle-
 sti illo igne maturetur, & perfici-
 ciatur. Spiritu ad justam consi-
 stentiam abstracto experiere, tan-
 tæ Essentiam hanc esse virtutis &
 efficacæ, ut quarta pars grani vel
 dimidia ad summum appropria-
 to vehiculô seu humidum velis
 seu siccam, permista, intentioni
 sufficiat, mirandosque planè u-
 sus præbeat.

Ad *Tritum* me nunc conver-
 to Pharmacopœis quidem satis
 usitatum, non item Chymicis,
 quibus Paradoxon forsan vide-
 bitur, quod eum tantis laudibus
 eveham, dicamque eò solô mi-
 randa

TRITUS
 mirabi-
 lis in
 Chymia
 ulus, &
 quidem
 primo in
 parando
 vero Au-
 to Potan-
 bili.

randa posse in Chymiâ patrari.
 Perfacilè verò omnem eum af-
 sensurum mihi confido, qui mo-
 dò in sequentes duas, (ut multas
 alias nunc prætermittam) opera-
 tiones oculos animumque inten-
 derit, quarum utriusque experi-
 mentum in Laboratorio nostro
 Gottorpiensi factum, præsentè
 ipso Serenissimo Principe FRI-
 DERICO gloriosissimæ me-
 moriæ, Principe in omni Scibili,
 præprimis verò in Chymicis ver-
 satissimo. Mirum equidem &
 id quoque primitus nobis accidit
 AURUM fixissimum illud, ut
 Chymicorum more loquar, Cor-
 pus, TRITUS imperio se subde-
 re, quod aliàs nec igni extremò
 mundi Tyrannò, nec aliis fortis-
 simis quibusvis menstuis cedit.
 Cessit tamen ei, uti his oculis vi-
 dimus, verùm adhibito instru-
 mento singulari, cui ob miran-
 dum hunc usum *Mole philosophicæ*
nomen

Auri ali-
 quem
 TRI-
 TUM
 Plinii
 tempori-
 bus usi-
 ratum
 fuisse pa-
 tet ex L.
 XXXVI.
 cap. 26.
 Item L.
 XXXIII
 cap. 4.

nomen indidimus, cujusque structuram eò accuratius heic delineandam curavimus, quoniam omne hujus operationis momentum ab ea dependet.

*Instrumenti delineatio heic
in serenda.*

AUrum itaq; foliatum q. v. in minimas particulas confisum mortario vitreo densissimo vel Aureo, quale Augustissimus Daniæ Rex FRIDERICUS divæ memoriæ paullò ante obitum Burrhi suasu, quam primum ei operatio hæc his in oris innotuerat, conficiendum curaverat, inditur, inque eò chartâ tantum rectò, ne pulvis vel aliud quid incidere queat, noctes atque dies continuâ molæ agitatione tam diu teritur, usque dum in pulverem fusco-subnigrum convertitur: Cui tritui ut plurimum 14
B dies

dies infumendi sunt. Si verò quis de die saltem operari velit, integro mense opus erit. Dein pulvis hic Retortulæ non nimis profundæ sed planæ, quales Anglicanæ solent esse, immissus igne arenæ per gradus eoque tandem fortissimò pellitur, & sic stillabit paucas quidem sed rubicundissimas guttas, quæ vel per se, vel cum Spiritu Vini Tartarificato digestæ verum exhibent *Aurum Potabile* non fucatum, vel ulla aliâ peregrinâ qualitate infectum. Residuum quamvis facile quoque tritu poteramus resolvere, placuit tamen Aceto nostro Philosophico ex viridi æris, Sulphure & Alcoole Vini longa digestionem parato extrahere & sic iterum Tincturam satis rubicundam, magnarumque omninò virium accepimus. Paucissimum verò quod superfuit beneficio

Borra-

Borracis in corpus reduximus,
sed pondus ei debitum defuit.

Rudis utique primò aspectu
videtur Operatio hæc, quæque
multum saltem temporis & la-
boris, parum verò Artis requi-
rit; verum in recessu mirabilis
planè est, à mirabili illo Sale
Aëris unico Solvente Catholico
adjuta. Sal verò illud conti-
nuò tritu attrahi multa alia ex-
perimenta circa istud facta me
edocent, quæ Actis Laboratorii
Gottorpiensis olim edendis re-
servo.

Alterum TRITUS experi-
mentum exhibebit vera & genui-
na *Mercurii Antimonii* præparatio:
Mercurii nempe istius à nupero
Non-Entium Scriptore tot telis
impetiti, adeoque inter non-En-
tia chymica relati. Verum con-
donandum Medico & Anatomi-
co satisperito & meritissimò,

B 2 quod

Tritus
certissi-
mus u-
sus in
parando
Mercurio Anti-
monii.

quod in Chymicis non semper scopum sibi præfixum attigerit; & quæ quæso hæc est conclusio: *hunc vel illum Processum non succedere: Ergò nullum?* Criticum velle agere res omninò magni est momenti, & nonnisi in Arte diu multumque exercitatorum. Nullius verò autoritas me absterrebit quin eum publicò communicem non inanis gloriolæ ergò sed solò veritatis amore ductus Processum, quem non ipse solum præsentè Clementissimo meò Principe FRIDERICO Divæ Memorix olim elaboravi, sed & eundem manu exercitatisimè Chymici Electoralis Saxonici Johannis Kunckelii elaborandum curavi, ne mihi soli fiderem, neve tali testimonio destituerer, quod improvidis istis Non-Entium Censoribus pudorem incutere poterit.

At-

Atque ei fini ipsas Kunckelii
 literas testes certissimæ istius O-
 perationis vobis Præcellentissi-
 mi VIRI transmittere visum est,
 ut misero Mercurio eò majorem
 fidem faciam, nilque intermit-
 tam, quod ad ejus honorem asse-
 rendum pertinere queat.

In TRITU verò præcipua ejus
 Operatio consistit. Tere itaque
 primò Regulum Antimonii in
 pulverem impalpabilem. Hu-
 jus verò libræ uni adde Salis Tar-
 tاري purissimi & siccissimi libras
 duas Salis Armoniaci uncias octo,
 & misce probè, dein humecta
 cum Urina hominis sani, & si ha-
 beri potest vinum bibentis, cura-
 que ut mistura hæc à duobus præ-
 validis & lacertosis juvenibus in
 porphyrite per integram diem
 sine ulla intermissione teratur,
 aspergendo semper, si humidum
 deficiat, Urinam; postea mistu-
 ram

ram istam Cucurbitæ immitte, & superfunde Urinæ tantum, ut tribus digitis emineat, clausamque sicuti decet per mensem integrum lenta digestionem fove, & quotidie agita. Siq; interea temporis siccior appareat massa, re-affunde urinam, finitaque digestionem cum æqual. partibus vitri contusi & calcis vivæ in globulos forma, & in umbra sicca. Ex his sequenti modo Mercurium elicies. Primò præsto sit vas quoddam ferreum cucurbitæ instar oblongum, cui frigidam oportet infundere eamque in Terram defodere. Huic super impone laminam ferream multis foraminibus perviam, & ponè in eâ globulos benè siccatos, postea capitellum itidem ferreum & paullo depressius ei adapta, ut carbones candentes commode ei imponere queas, & sic gradum ignis per quatuor horas modera-

deratum tene, dein auge eum per totidem horas, usque ad extremum: postea sine refrigerescere, caveq; ne vas in terrâ defossam prius moveas aquamq; effundas antequam ea penitus refrixerit, alias multam Mercurii, veluti nobis primâ vice contigit, cum Serenissimus moræ impatiens aquam ante tempus effundendam juberet, jacturam facturus. Mercurius nempe tanta vi ignis in minimas Atomos resolutus frigore iterum coagulari debet.

Et sic puto me promissum de Mercurio Antimonii ritè exsolvisse. Moveant nunc Critici quicquid voluerint, perstabit tamen invicta veritas. Enimverò quem his manibus Mercurium paravi & palpavi, immò & his oculis post absolutam istam destillationem in fundo vasis currentem vidi eum ut credam Non-Ens esse, nemo mihi persuadebit.

Ne quidquam quoque movebor,
 si rudissimis operatoribus hic vel
 ille ex præcedentibus processibus
 primâ statim vice minus ex votô
 successerit. Sufficiat mihi nul-
 lum me heic adduxisse, quem non
 meâ ipsius experienciâ tentave-
 rim & ad finem usque modô ha-
 ctenus satis apertè & candide
 (quod forsan multi mirabuntur)
 descripto elaboraverim. Cogi-
 tent verò isti in Arte hospites &
 infelices operadores, quàm multa
 ante & in ipsa operatione, & quo-
 que post eam si quis de ea certus
 esse velit sint observanda. Id
 quod vel ex unius Tartari opera-
 tione liquidò apparebit. Non
 omnis nimirum Tartarus ejus-
 dem bonitatis est, licuitque mihi
 ejusdem magnam hætenus di-
 versitatem notare. Dein quoq;
 ipsa Tartari fermentatio probè
 curanda: si enim minus justa
 fuerit, ille quoque per minima
 haud

haud resolvetur, neque uvæ eâ
 quâ debent naturali formâ præ-
 sentabuntur, nec Sal omne quod
 præcipuum Operis est, volatilifa-
 bitur. Siq̃ue forsan inter destil-
 landum ignis excesserit, multum
 quoq; Salis volatilis comburetur,
 Spiritumq̃; graveolentem instar
 communis reddet. Plura non
 addam ne videar leviculis inhæ-
 rere. Et puto unicô hoc exemplo
 planum me fecisse, *quantô circum-*
spectu in chymicis agendum & judi-
candum sit. Reliquum est, Præcel-
 lentissimi Viri, precari supremum
 Numen velit glorioso huic insti-
 tuto vestro porrò benedicere sin-
 gulisq; vestrum Nestoreos largiri
 annos, unaq; ea subsidia, quibus
 excitati ad propositam metam
 pleno cursu pertingere, gloriam-
 que communis nostræ Patriæ
 GERMANIAE feliciter promovere
 queatis. Valete & constanter
 mihi favete.

B 5

Ad

AD vos denuò me converto,
Præcellentissimi Viri, in vestrà
 humanitate confisus vel te-
 nue quoque *auctarium* eò liben-
 tius vos accepturos, quò magis
 ad præcedentia illustranda face-
 re videtur.

Colophonem cum jam iis ad-
 didissem, ecce occurrit inter
 schedas meas alia *circa Auri Tritum*
 operatio, communicata olim ab
 amico quodam rerum chymica-
 rum satis gnaro, commendata-
 que haud parum eò imprimis
 nomine, *quod etiam sine ignis mi-
 nisterio rubicundum stillaret liquo-
 rem*. Veruntamen à me tunc
 temporis impetrare haud potui,
 ut ei fidem adhiberem, quin po-
 tius eam in medio reliqui.

Nunc verò dum in reviden-
 dis istiusmodi Operationibus
 versor, hanc quoque paullò ac-
 curatius expendere cœpi, di-
 gnamque tandem judicavi, quam
 curio-

curiosis vestris oculis exponerem, cum haud vanum mihi effectum promittere videatur.

Ut verò eò melius de eâ judicium ferre queatis, rudem ejus delineationem præmittendam duxi.

a. Mortarium.

b. Corpus chalybeum quod vicem pistilli subire debet.

c. Spatiolum inter duo corpora chalybea cui Aurum interjacet.

d. est Manubrium.



Morta.

Mortarium (a) ex purissimò Chalybe confectum est, Corpus ei immittendum quod vicem pistilli vel Tritoris subire debet (b) itidem chalybeum est, debetque mortariò eâ quâ delineatum est formâ respondere, nisi quod ad ejus basin tribus digitis latius & sic quoque crassius oporteat esse. (c) Spatiolum est, cui lamina Aurea crassitiem dimidii ducati æquans interponitur. (d) Manubrium est, quò Corpus istud Chalybeum *b* ad tres septimanas veluti Amicus monuit versari debet, & sic tandem *Aurum resolutum* iri in liquorem Potabilem.

Videtis, *Viri Præcellentissimi*, qualis recens hîc operandi sit modus, simplex planè, nullòque artificiò constans. Nam vobis se probaturus sit, scire desidero. Mihi utique, ut liberè dicam quod sentio, talis omninò videtur, neque ullum quoque dubium

mihi

mihi est, longè citius & expeditius
Aurum hòc modò resolvi posse, quam
 si Mortario Aureò vel vitreo
 quò nos usi sumus immittatur, ob
 Martis nempe Sulphureo-Salinam
 qualitatem, quæ Tritu istò à compedi-
 bus suis liberata & ad summum sub-
 tilitatis gradum evecta eò potentius
 in solidissimam Auri compagem agit,
 unâq; Sal illud Aëreum majori in co-
 piâ attrahit, quam unquam in Mor-
 tario Aureo vel vitreò fieri potest.
 Ast illud sagaciores mihi objectu-
 ros prævideo, continuatò nempe
 isto Tritu particulas chalybeas abra-
 di, & cum Aureis permisceri. Nolo
 repugnare iis, qui sic sentiunt.
 Ast vero velim & illud quoque
 ab iis perpendi, quantà horum Sul-
 pharum sit cognatio, quantum quoq;
 Digestionis beneficium, purum tan-
 dem ab impuro separantis, unâq; ex-
 citantis occultum illum ignem Mar-
 tialem, genuinis Naturæ mystis satis
 cognitum, qui ab Alcoole Vini ad-
 jutus

jutus paucum illud immaturum
fatis benè ad debitam maturita-
tem excoquere valet.

Paucis multa num dixerim
& dubio supra allato satisfecerim
videatis *VIRI Præcellentissimi*. Vo-
bis enim perspectæ sunt Naturæ
Operationes. Moneo verò com-
modâ hac occasione iterum atq;
iterum omnes eos, qui ad *Arcana*
artis aspirant, velint *Naturam du-*
cem & Magistram sequi, *duoq; ejus*
præcipua media quibus ad res produ-
cendas & perficiendas utitur, com-
mendata sibi habere, *Fermentatio-*
nem nempe & Digestionem. Utrius-
que per amplum Usus paucis sal-
tem præmissâ Epistola indicavi,
possemque adhuc pluribus con-
firmare, verum puto ista hâc vice
sufficere. Sufficiat Philo-Chymi-
cis, quod magnum illum Fer-
mentationis Usus duplici expe-
rimentô demonstraverim & præ-
cipuè in paranda *vera Opii Essen-*
tia,

zia, quam frustra aliâ viâ quæsi-
 rint, nunquam nimirum *ad ve-*
rum Chymie scopum, qui est puri ab
impuro separatio, perventuri. Con-
 siderent quoque quàm longissi-
 mè vulgaris illa præparandi O-
 pii ratio ab istâ distet, quamque
 exiguos planè ab hac fructus
 sperare liceat, qui in illa præstan-
 tissimi sunt & omninò mirandi.

Majoris adhuc usus Digestio
 est, subque eâ comprehensa *Ma-*
turatio, officinis Chymicorum
 hætenus ignorata: Et conside-
 rent modo Philo-Chymici alla-
 tum à me in Corallis experimen-
 tum. Quis enim facilè credat,
Corpus adeò durum & lapideum solâ
Digestione in lentam molliusculamq;
mucilaginem converti posse. Quis
 credat tantillum *Tincturæ*, quæ Co-
 rallis inest, sola Digestione adeò au-
 geri posse, ut tota eorum substantia
 nil nisi *Tinctura* appareat. Satis
 ergò

ergò paucis hifce experimentis
indicaffe puto , quod Philo-
Chymici imitandum habeant.
Valete, Præcellentiffimi Viri, &
tenue hoc auctarium æqui bo-
niq̃ue confulite.

FINIS.

